



Dengan pembukaan cawangan Mad Jack Café di Simpang Bedok baru-baru ini, orang-orang di kawasan Timur tidak perlu pergi jauh untuk menikmati hidangan Barat yang bukan saja sedap gilerrr tapi berpatutan harganya.



SEDAP gilerrr...

Belek punya belek menu di tangan hingga tak tahu apa yang nak dipesan.

Terlalu banyak hidangannya yang ditawarkan sampai tak terpilih. Gambarnya pula menggoda saya yang sebenarnya tak kuat makan, untuk mencuba kalau boleh semuanya.

Kalau saya makan Tower Burger (burger bertingkat), mungkin tak boleh isi yang lain lagi. Dan kek coklat serta tiramisu yang tersusun rapi di rak-rak kaca seolah-olah tersenyum pada saya sambil berkata - rugi kalau tak cuba!

Setelah 10 minit berlalu, barulah saya buat pilihan - *Grilled rib-eye* in *black pepper sauce* atau daging rib dalam sos lada hitam. Memang dah lama saya tak makan daging jadi inilah peluang untuk mencubanya.

Minumannya pula tidak kurang menariknya. Ada 'smoothie' rasberi dan beri campuran. Pasti menyegarkan. Saya cuba sedikit kedua-duanya dan betul, tidak silap. Ia masam manis.

Mad Jack Café yang mempunyai dua cawangan yang lain di Bukit Timah dan Jalan Kayu ditubuhkan kira-kira dua tahun lalu. Sesuatu yang menarik perhatian saya ialah tulisan di restoran yang menyatakan ia tidak memakai bahan MSG, pengawet dan *tenderizer* (untuk lembutkan daging). Hmm, sihatlah tu.

Biarpun rib-eye saya agak keras sedikit berbanding dengan tempat-tempat lain yang mungkin menggunakan *tenderizer*, ia terasa enak. Disediakan dengan pilihan nasi herba atau kentang lenyek, ia merupakan antara hidangan popular.

Selain rib-eye, ikan panggang salmon serta

ayam gorengnya juga lazat dimakan semasa panas. *Fish and chips*nya merupakan kepingan ikan bersalut tepung dan digoreng. Garing di luar, lembut di dalam. Bagi mereka yang tak boleh tinggal belacan, pilih saja nasi lemak dengan kecap ayam atau ikan. Terdapat juga kari hijau ayam yang dihidangkan dengan nasi.

Bagi mereka yang tidak makan daging terdapat juga menu *vegetarian* yang biarpun namanya ayam atau



daging, sebenarnya dibuat daripada bahan soya.

Makan tanpa cuci mulut rasa tidak sempurna gitu. Okeylah saya cuba kek coklat dan tiramisu. Hmm, satu suapan sudah memberi kepuasan. Tapi tak pelah untuk hari ini, dua tiga suap kek tersebut boleh dimaafkan. Apa lagi kalau anda ke sana untuk berbuka puasa. Makan sepuas-puasnya. Kan anda dah sehari suntuk menahan lapar dan dahaga. Hehe!

Mad Jack Café

6 Duke's Road Tel: 6462 4300 • 242 Jalan Kayu Tel: 6483 1202
• 304 Bedok Road Tel: 6445 8168

